

# Comu canciari 'stu munnu

(1972)

di Ciccio Busacca

Periodo: La contestazione e i movimenti di liberazione (1967-1979)

Lingua: siciliano

Tags: lavoro/capitale

Indirizzo: <https://www.ildeposito.org/canti/comu-canciari-stu-munnu>

Ora di frunti a tutti li prisenti  
chiedu a me figghia una cosa 'mpurtanti  
Concetta dimmi si si' 'ntilligenti  
comu canciari 'sti munnu birbanti?  
Si tu mi duni giustu lu cunsigghiu  
ti dicu brava e ti compru un cunigghiu

A la dumanna to' l'appunti pigghiu  
e t'arrispuonu senza fari sbagghiu:  
s'iddu lu pupulinu fussi svigghiu  
canciassi tuttu a colpu de battagghiu  
ci voli sulu bona voluntati  
di l'upirai e tutti l'affamati

Li to risposti sunnu canunati  
mi lassano li sensi sbalurditi  
ma pp'aviri li cosi cambiati  
ci volunu chiù populi 'struiti

perciò cantamu 'sti nostri canzuni  
ppi' luvari di menzu 'sti patruni

Finalmenti pigghiasti la raggiuni  
luvamici a li schiavi 'sti catini  
o d'ongi omu facemini un liuni  
ppi' scatunarlu contru a li parrini  
pirchi monici, preti e patronatu  
su' la ruvina di lu nostru statu

Fatti cunvintu populu affamatu  
svigghjiti 'n tempu curri e datti aiutu  
svigghjiti sulfataru sfurtunatu  
svigghjiti cuntadinu schilitritu  
ca quannu tutti saremu svigghjati  
putemu aviri paci e libirtati

ca quannu tutti saremu svigghjati  
putemu aviri paci, paci e libertà.

## Informazioni

Da "La musica dell'altra Italia", sito non più online.